



## مايختلف من شعب أبو متعب على حبه اثنين

### تفداه فقرات الظهور وروسنا دونه فدا

مافيه قلب إلا رفع كفه لرب العالمين  
 يدعي لبو متعب حبيب الشعب نبراس الهدى  
 مايختلف من شعب أبو متعب على حبه اثنين  
 تفداه فقرات الظهور وروسنا دونه فدا  
 ويدعون له حجاج بيت الله وكل المسلمين  
 وألطف من النسمة مشاعرهم وقطرات الندى  
 يارب قوم خادم البيتين وأمهل له سنين  
 عساه يبطي حي في صحة وعز وسؤددا  
 ينقل هموم الأمة لوحده وعزمه مايلين  
 أكتاف قلبه ترتكي لحمل لو طال المدا  
 نهض بشعبه لين طاولنا الشهب والفرقدين  
 صرنا مع أول ركب في العالم وحيّرنا العدا  
 القايد الي فاز في التصنيف الأعلى مرتين  
 تأثير أبو متعب كبير وماذهب جهده سدا  
 العالم أجمع يعترف له بين حين وبين حين  
 صاحب نفوذ وصار لأفعاله مع العالم صدى  
 يارب نفرح في شفاه وعودة الصيد الثنين  
 سلطان مع سلمان لاعادوا عسى العود أحمدا  
 يارب أجب دعوة عباد(ن) صايمين وقايمين  
 أشف الثلاثة وأنت يارحمن تسمع لندا  
 وتصير فرحتنا نهار العيد الأكبر فرحتين  
 على سلامتهم نهيجن بإذن ربي وإنحدنا

الشاعر / راجع بن نايف المغيري

